

IKT-reglement for Luster ungdomsskule i Luster kommune

1. Reglementets formål

- Målgruppa for reglementet er elevar i skulen.
- Reglementet seier kva som er akseptabel bruk av informasjons- og kommunikasjonsteknologi for målgruppa.
- Reglementet søker å hindra utilsikta og uønska hendingar.
- Reglementet vil sikra brukarane og tryggja den pedagogiske læringssituasjonen.
- Reglementet skal bidra til å avgrensa rollar, rettar og plikter for elevar og for kommunen.

2. Reglementets omfang

- Bruk av kommunen sitt IKT-utstyr som vert disponert av skulane.
- Bruk av privat IKT-utstyr i samband med skulen og/eller via kommunen sitt nettverk.
- Bruk av programvare som kommunen har gjort tilgjengeleg.
- Publisering av innhald på nett, og kommunikasjon ved å nytta privat utstyr eller kommunen sitt IKT-utstyr.
- Elevane sin IKT-bruk i fritida er føresette sitt ansvar, men åtferd som har tydeleg tilknytning til skulen, kan likevel falla inn under skulen sitt ansvarsområde.

3. Eleven sine rettar

- Eleven har rett til opplæring i å nytta IKT for å kunna oppnå krava om digital kompetanse (Kunnskapsløftet).
- Eleven har rett på tilgang til velfungerande IKT-utstyr i undervisninga
- Alle elevar har rett på lik tilgang til IKT-utstyr i samband med gjennomføring av digital eksamen og nasjonale prøvar.
- Eleven har rett til å bli informert om innhaldet i skulen sitt IKT-reglementet.
- Kommunen kan berre utlevera opplysningar om ein enkelt elev, eller data som tilhøyrer ein elev, kor dette går fram av inngått samtykkje, vedteke reglement, eller følgjer av lovgjevinga elles.
- Eleven har rett til å få med seg private data som skulen ikkje lenger har høve til å ta vare på.
- Skulen vil sletta alle personopplysningar om elevane som den ikkje lenger har bruk for, med mindre skulen er lovpålagt å lagra opplysningane.

4. Eleven sine plikter

- Elevane pliktar å følgja skulen sine pålegg og instruksar om bruk av IKT-utstyr.
- Elevane på ungdomssteget pliktar å setja seg inn i den informasjonen som skulen gjev om reglar og vilkår for bruk av IKT-utstyr.
- IKT-utstyret på skulen skal handsamast varsamt.
- IKT-utstyr som vert nytta i skuletida, skal berre nyttast til skulerelaterte oppgåver.
- I skuletida skal privat IKT-utstyr, som mobiltelefonar, berbare datamaskiner og liknande, berre nyttast etter avtale med skulen
- Chat, spel, privat e-post eller generell surfing skal berre skje etter avtale med skulen.
- Publisering av innhald på nett, og kommunikasjon gjennom kommunen sitt IKT-utstyr, skal på ingen måte innehalda tekst, bilete, lyd eller video som er av støytande eller krenkjande art. Dette gjeld både enkeltpersonar og grupper.

- Digital mobbing skal ikkje førekomma, uavhengig om det skjer gjennom eige eller kommunen sitt IKT-utstyr.
- Brukarnamn og passord skal haldast hemmeleg, og skal berre nyttast av den aktuelle eleven.
- Elevar kan ikkje installera eigen programvare på kommunen sitt IKT-utstyr.
- Installasjon av programvare på PC-ane, som gjer at uvedkommande får tilgang til kommunen sitt nettverk, skal ikkje førekomma.
- Eleven pliktar å gjera så godt ho/han kan for å ikkje bringa virus eller anna øydeleggjande programvare inn i kommunen sitt IKT-utstyr.
- Eleven pliktar å bruka godt nettvet når han/ho nyttar kommunen sitt IKT-utstyr.
- Eleven pliktar å undersøkje og respektera opphavsrett til materiale som tekst, bilete, musikk, film eller lyd, som vert lagt ut på heimesider, fellesområde og blogg.
- Eleven må få aktivt samtykke frå medelevar/føresette for å kunne publisera bilete, lyd eller video av dei.
- Elevane pliktar å varsla skulen ved mistanke om at andre bryt reglementet.

5. Inngrep og sanksjonar

- Brot på IKT-reglementet kan føra til sanksjonar frå skulen/kommunen.
- Skulen har eit ansvar for å gripa inn mot elevar som mobbar eller trakasserer lærarar eller andre elevar.
- Bruk av skulen sitt IKT-utstyr som er i strid med norsk lov, kan bli meldt.
- PC som vert nytta under eksamen, kan verta kontrollert før og etter avhalden eksamen for å avdekka forsøk på juks.
- Elevar som mobbar, diskriminerer eller trakasserer andre gjennom å nytta kommunen sitt IKT-utstyr, kan verta utestengde frå all IKT-bruk i ein periode fastsett av skulen. Særskilt alvorlege tilfelle kan verta meldt.
- Elevar som gjer skade på kommunen sitt IKT-utstyr, kan verta erstatningsansvarlege.
- All datatrafikk på skulen kan verta loggført utan at elevane veit om det på førehand.
- Brot på IKT-reglementet kan føra til sanksjonar i samsvar med skulen sitt generelle ordensreglement og m.a føra til nedsett ordenskarakter på ungdomssteget.

6. Ansvarsfråskriving

- Kommunen er ikkje ansvarleg for tap av data eller skade på IKT-utstyr som skuldast tilhøve utanfor kommunen sin kontroll.

7. Underskrift

Underskrift er å forstå som ei kvittering på at reglementet er lese og akseptert.

Stad og dato: _____

Elev

Føresett(e) (om eleven er under 14 år)